



UNIVERZITET U SARAJEVU
FILOZOFSKI FAKULTET

UNIVERSITY OF SARAJEVO
FACULTY OF PHILOSOPHY

71000 Sarajevo, Franje Račkog br. 1,
Bosna i Hercegovina
Poštanski pretinac br. 347
Telefoni: ++387 33 20 36 43; ++387 33 20 45 99;
++387 33 25 31 00; ++387 33 20 35 50
Dekan: ++387 33 25 31 11
Sekretar: ++387 33 25 32 02
Fax: ++387 33 66 78 73
e-mail: dekanat@ff.unsa.ba

Vijeće Fakulteta

Broj: 02-01/76

Sarajevo, 23. 1. 2026. godine

Na osnovu člana 69. stav (1) tačka e) Zakona o visokom obrazovanju („Službene novine Kantona Sarajevo“, broj: 36/22. i 28/25.), članova 36. i 111. tačka d) Statuta Univerziteta u Sarajevu, broj: 01-14-35-1/23 od 26. 7. 2023. godine sa pratećim izmjenama i dopunama, a u skladu sa članom 24. Zakona o zaštiti od požara i vatrogastvu („Službene novine Federacije BiH“, broj: 64/09. i 77/25.), Programa obuke zaposlenika u pravnim licima, državnim organima i drugim institucijama u oblasti zaštite od požara („Službene novine Federacije BiH“, br. 59/10.), Zaključka Vlade Kantona Sarajevo, broj: 02-04-53581-33/25 od 14. 11. 2025. godine, e-maila Službe za pravne poslove Univerziteta u Sarajevu od 28. 11. 2025. godine, Vijeće Univerziteta u Sarajevu – Filozofskog fakulteta, na 12. elektronskoj sjednici održanoj 23. 1. 2026. godine, *donijelo je*

ODLUKU

I

Usvaja se **PRAVILNIK O ZAŠTITI OD POŽARA NA UNIVERZITETU U SARAJEVU – FILOZOFSKOM FAKULTETU.**

II

Pravilnik o zaštiti od požara na Univerzitetu u Sarajevu – Filozofskom fakultetu iz člana I. sastavni je dio ove Odluke.

III

Pravilnik iz člana I. ove Odluke stupa na snagu danom objavljivanja na oglasnoj ploči Fakulteta.

IV

Donošenjem ove Odluke, prestaje primjena Odluke, broj: 02-01/81 od 2. 3. 2017. godine.

Obrazloženje

U skladu sa Zaključkom Vlade Kantona Sarajevo, broj: 02-04-53581-33/25 od 14. 11. 2025. godine, e-mailom Službe za pravne poslove Univerziteta u Sarajevu od 28. 11. 2025. godine, a prvenstveno uzimajući u obzir odredbe Zakona o zaštiti od požara i vatrogastva („Službene novine Federacije BiH“, broj: 64/09. i 77/25.), stručne službe Fakulteta u ostavljenom roku sačinile su Pravilnik o zaštiti od požara na Univerzitetu u Sarajevu – Filozofskom fakultetu, budući da je do tada bio na snazi Pravilnik o zaštiti od požara, broj: 02-01/81 od 2. 3. 2017. godine.

Cijeneći sve naprijed navedeno Vijeće Fakulteta, donijelo je gore navedenu odluku.

Akt obradila: Alma Ahmetspahić, šefica Službe za nastavu

Akt kontrolisali i odobrili: Maida Bešić, dipl. iur., sekretarka Fakulteta
prof. dr. Jadranka Kolenović-Đapo, prodekanica za
prof. dr. Amela Šehović, prodekanica za kvalitet
prof. dr. Amir Duranović, prodekan za finansijsko-organizacijske poslove
prof. dr. Minka Džanko, prodekanica za naučnoistraživački rad, međunarodnu a

Sekretarka organizacione jedinice Univerziteta u Sarajevu – Filozofskog fakulteta, Maida Bešić, dipl. iur., potvrđuj zakonskim i podzakonskim propisima koji su na snazi, te da je Vijeće Univerziteta u Sarajevu – Filozofskog fakulteta iste shodno članu 69. Zakona o visokom obrazovanju („Službene novine Kantona Sarajevo“, broj 36/22. i 28 Univerziteta u Sarajevu, broj: 01-14-35-1/23 od 26. 7. 2023. godine.

DOSTAVITI:

1. Uz Pravilnik
2. Vladi Kantona Sarajevo
3. Uz Zapisnik
4. Arhiva

UNIVERZITET U SARAJEVU
ORGANIZACIONA JEDINICA
UNIVERZITET U SARAJEVU – FILOZOFSKI FAKULTET



**PRAVILNIK
O ZAŠTITI OD POŽARA NA**

UNIVERZITETU U SARAJEVU – FILOZOFSKOM FAKULTETU

Sarajevo, januar 2026. godine

Na osnovu člana 69, stav (1), tačka e) Zakona o visokom obrazovanju ("Službene novine Kantona Sarajevo", broj: 36/22 i 28/25), članova 36. i 111, tačka d) Statuta Univerziteta u Sarajevu, broj: 01-14-35-1/23 od 26. 7. 2023. godine, s pratećim izmjenama i dopunama, člana 24. Zakona o zaštiti od požara i vatrogastvu ("Službene novine Federacije BiH", broj: 64/09 i 77/25), Programa obuke zaposlenika u pravnim licima, državnim organima i drugim institucijama u oblasti zaštite od požara ("Službene novine Federacije BiH", br. 59/10), Vijeće Univerziteta u Sarajevu – Filozofskog fakulteta na 12. e-sjednici, održanoj 23. 1. 2026. godine, *donijelo je*

PRAVILNIK O ZAŠTITI OD POŽARA NA

UNIVERZITETU U SARAJEVU – FILOZOFSKOM FAKULTETU

I. OPĆE ODREDBE

Član 1.

Ovim pravilnikom se, u skladu sa zakonskim i tehničkim propisima, utvrđuju pitanja organiziranja, sprovođenja i unapređenja zaštite od požara na Univerzitetu u Sarajevu – Filozofskom fakultetu, na adresi Franje Račkog, broj 1, Centar, Sarajevo (u daljem tekstu: *Fakultet*).

Član 2.

- (1) Zaštita od požara obuhvata skup mjera i radnji upravne, organizacijske, stručne, tehničke, obrazovne i propagandne prirode, koje se poduzimaju u cilju sprečavanja izbijanja i širenja požara, njegovog otkrivanja te zaštite ljudi, biljnog i životinjskog svijeta, materijalnih, kulturnih, historijskih i drugih dobara i okoliša (u daljem tekstu: materijalna dobra).
- (2) Zaštita od požara je djelatnost od posebnog interesa za Federaciju, kanton, grad i općinu, a ostvaruje se sprovođenjem zakona, podzakonskih propisa i međunarodnih tehničkih normativa i standarda koji važe u Bosni i Hercegovini.

Član 3.

- (1) Ovim pravilnikom se naročito utvrđuju:

- a) način organiziranja i ostvarivanja zaštite od požara;
- b) mjere za sprovođenje i unapređenje zaštite od požara;
- c) način upoznavanja zaposlenih lica s opasnostima od požara na radnom mjestu, prilikom prijema i raspoređivanja tih lica na radno mjesto, kao i prilikom premještanja s jednog na drugo radno mjesto;
- d) dužnosti i odgovornosti svih zaposlenih lica u sprovođenju propisanih mjera zaštite od požara;
- e) obaveza i način stručnog osposobljavanja zaposlenih lica za sprovođenje mjera zaštite od požara na radnim mjestima, kao i izrada posebnih radnih uputstava za zaposlena lica koja su raspoređena na radna mjesta za koja se, zbog

postojanja povećane opasnosti od požara, moraju predvidjeti posebne mjere zaštite od požara;

- f) određivanje/imenovanje zaposlenog lica koje će biti zaduženo da se stara o sprovođenju mjera zaštite od požara utvrđenih ovim općim aktom;
 - g) sadržaj i način donošenja plana zaštite od požara i način sprovođenja tog plana;
 - h) način vršenja unutarnje kontrole sprovođenja predviđenih mjera zaštite od požara i način vođenja evidencije o sprovođenju propisanih mjera zaštite od požara;
 - i) mjesto i prostori u kojima mora biti zabrana proizvodnje, korištenje i prenošenje otvorene vatre;
 - j) dužnosti i način ponašanja zaposlenih lica u slučaju pojave požara;
 - k) disciplinska odgovornost za zaposlena lica zbog nepridržavanja propisanih mjera zaštite od požara.
- (2) Niko nema pravo da svojim materijalnim dobrima i svojim postupcima, neprovođenjem mjera zaštite od požara, propisanih zakonom i drugim propisima, dovodi u opasnost od požara tuđi život i zdravlje i materijalna dobra.

Član 4.

Mjere zaštite od požara propisane ovim pravilnikom, zakonskim i tehničkim propisima, mjerama koje su naložili nadležni organi, dužni su da sprovedu svi radnici Fakulteta i druga lica koja se po bilo kom osnovu nalaze ili zadržavaju u objektu Fakulteta.

Član 5.

Fakultet je dužan organizirati stalno vođenje, sređivanje i čuvanje odgovarajuće dokumentacije iz oblasti zaštite od požara (pravilnici, elaborati, programi, uputstva, izvještaji, informacije, zapisnici, odluke, rješenja, razne evidencije itd.).

II. TEHNIČKI DIO

1. NAČIN ORGANIZIRANJA I OSTVARIVANJA ZAŠTITE OD POŽARA

Član 6.

- (1) Vlasnik ili korisnik građevine i prostora je odgovoran za zaštitu od požara u tim građevinama, odnosno objektima.
- (2) Vlasnik ili korisnik može ovlastiti pravno lice registrirano za obavljanje poslova iz oblasti zaštite od požara koje ima odgovarajuće stručne kadrove i opremu i sredstva za vršenje tih poslova, koje će za njihove potrebe sprovoditi mjere zaštite od požara, što se vrši zaključivanjem ugovora s tim pravnim licem.

Član 7.

Radi obavljanja nastavno-naučnih, administrativno-stručnih, tehničkih i pomoćnih poslova na Fakultetu, utvrđuju se poslovi i zadaci radnika koji obavljaju poslove zaštite od požara. Odgovorno lice za obavljanje poslova zaštite od požara je dekan Fakulteta.

Član 8.

Za organiziranje, sprovođenje i unapređenje zaštite od požara na Fakultetu, za njeno uspješno funkcioniranje i za kontrolu utvrđenih propisanih i naloženih mjera zaštite od požara odgovorni su:

- dekan Fakulteta,
- odgovorno lice određeno za poslove zaštite od požara,
- radnici na radnim mjestima.

III. MJERE ZA SPROVOĐENJE I UNAPREĐENJE ZAŠTITE OD POŽARA

3.1. Opće mjere

Član 9.

(1) Opće mjere za zaštitu od požara su:

- izbor lokacije i dispozicija građevine, kao i izbor materijala, uređaja, instalacija i konstrukcija kojima će se spriječiti ili svesti na najmanju mjeru mogućnost izbijanja i širenja požara;
 - izgradnja prilaznih puteva i prolaza za vatrogasna vozila i tehniku;
 - izgradnja požarnih stepeništa i pomoćnih izlaza;
 - osiguranje potrebnih količina vode i drugih sredstava za gašenje požara;
 - organiziranje osmatračko-dojavne službe, izrada i održavanje protupožarnih prosjeka i puteva, osiguranje opreme i sredstava za gašenje šumskih požara, te druge mjere zaštite od požara na otvorenom prostoru;
 - zabrana upotrebe otvorene vatre i drugih izvora paljenja na mjestima i prostorima gdje bi zbog toga moglo doći do požara;
 - izbor i održavanje tehnološkog procesa i uređaja kojima se osigurava sigurnost protiv požara;
 - postavljanje uređaja za javljanje, gašenje i sprečavanje širenja požara, uređaja za mjerenje koncentracije zapaljivih i eksplozivnih gasova, para ili prašine u vazduhu i drugih uređaja za kontrolu sigurnog odvijanja tehnološkog procesa;
 - održavanje i kontrola ispravnosti uređaja i instalacija čija neispravnost može utjecati na nastanak i širenje požara;
 - obuka svih zaposlenih lica i građana u praktičnoj upotrebi aparata za gašenje početnog požara, kao i drugih priručnih sredstava i opreme za gašenje požara;
- (2) Opće mjere dužni su sprovoditi svi vlasnici i korisnici građevina i prostora koje koriste u svom radu.

Član 10.

- (1) Objekat Fakulteta može se zagrijavati sistemom centralnog grijanja ili pomoću klima-uređaja.
- (2) U objektu Fakulteta zabranjeno je korištenje peći na čvrsto, tečno i gasovito gorivo.
- (3) Prije početka grijne sezone, kotao, klima-uređaje i pripadajuću instalaciju treba pregledati i pripremiti za kontinuirani rad tokom grijne sezone.
- (4) Svaki radnik/ica u svojoj radnoj prostoriji poslije završenog rada (radnog vremena) i prije napuštanja prostorije i objekta dužan/na je isključiti sve električne aparate.

3.2. Građevinske mjere

Član 11.

- (1) Prije izgradnje novih objekata, rekonstrukcije, adaptacije ili dogradnje postojećih objekata obavezno se mora pripremiti odgovarajuća tehnička dokumentacija, koja mora sadržavati i mjere zaštite od požara, što pregledom tehničke dokumentacije utvrđuju ovlaštene stručne organizacije za poslove zaštite od požara.
- (2) Zabranjeno je mijenjati projektovanu namjenu objekta i prostorija bez odobrenja nadležnog organa i preduzimanja potrebnih mjera zaštite od požara.
- (3) Svi prilazni putevi/požarni putevi do objekta, kao i unutrašnje komunikacije u objektima moraju uvijek biti slobodni i prohodni cijelom svojom širinom.

Član 12.

- (1) U objektu Fakulteta moraju se osigurati odgovarajući prilazi do izlaznih vrata, vatrogasnih aparatâ, hidrantâ i glavnih razvodnih ormarâ električne energije.
- (2) Zabranjeno je parkiranje vozila ispred ulaza u objekat Fakulteta i na mjestima koja nisu predviđena za to, a za te svrhe treba koristiti odgovarajuća parking mjesta.
- (3) U zimskom periodu hidranti moraju biti osigurani od smrzavanja vode u njima.

3.3. Elektromjere

Član 13.

- (1) U objektu Fakulteta dozvoljena je upotreba samo onih električnih uređaja i instalacija koje po svojim tehničkim karakteristikama odgovaraju tehničkim propisima i pogonskim zahtjevima.
- (2) Električni uređaji i instalacije moraju biti tako izvedeni i zaštićeni da usljed djelovanja radnih uslova (vlaga, prašina, zapaljive pare i gasovi, mehanička oštećenja, toplotni i hemijski utjecaji itd.) ne bude ugrožena sigurnost ljudi, objekta i predmeta rada.

- (3) Električne instalacije moraju biti u skladu s Pravilnikom o tehničkim normativima za zaštitu skladišta od požara i eksplozija i drugim pravilnicima koji se odnose na predmetne prostore.

Član 14.

- (1) Obavezno je redovno u propisanim rokovima (prema tehničkim propisima) vršiti kontrolu ispravnosti električnih instalacijâ i uređajâ, te poduzimati mjere na otklanjanju uočenih nedostataka.
- (2) O kontroli, mjerenjima i izvršenim opravkama iz stava (1) ovog člana mora se voditi odgovarajuća evidencija.
- (3) Popravke i druge radove na električnim instalacijama mogu vršiti samo stručna lica.

Član 15.

- (1) Razvodne baterije i ormari moraju imati prekidač na glavnom dovodu električne energije.
- (2) Sva oprema u razvodnim baterijama i ormarima mora biti označena prema jednopolnoj šemi, koja se mora nalaziti u ovim razvodima.
- (3) Osigurači u razvodima ne smiju se krpati i premoštavati, a bimetali moraju biti podešeni na normalnu struju.
- (4) U prostorijama ugroženim od požara i eksplozije, te vode i vlage, nulovanje sprovoditi s posebnim zaštitnim vodom.

Član 16.

- (1) Objekat Fakulteta mora biti osiguran odgovarajućim gromobranskim instalacijama u skladu s odredbama tehničkih propisa o gromobranima.
- (2) Obavezna je periodična kontrola ispravnosti gromobranskih instalacija i uzemljenja te otklanjanje uočenih nedostataka u skladu s tehničkim propisima.
- (3) Za gromobranske instalacije mora se voditi odgovarajuća tehnička dokumentacija i evidencija.

3. 4. Rad sa zapaljivim tečnostima i tehničkim gasovima – općenito

Član 17.

- (1) U slučaju potrebe za radom sa zapaljivim tečnostima, radnici koji rukuju zapaljivim tečnostima i tehničkim gasovima moraju biti posebno stručno obučeni i osposobljeni za sigurno obavljanje tih poslova.
- (2) Vršenje obuke se povjerava ovlaštenoj stručnoj organizaciji.
- (3) Skladištenje zapaljivih tečnosti i tehničkih gasova se ne smije vršiti u objektu Fakulteta.

3. 5. Oprema i sredstava za gašenje požara, raspored opreme i sredstava, kao i vrijeme povremenog ispitivanja njihove ispravnosti

Član 18.

- (1) Fakulteta mora biti opremljen aparatima za gašenje požara i hidrantskom mrežom, u skladu s Procjenom ugroženosti od požara iz projektne dokumentacije i drugim važećim propisima koji reguliraju ovu materiju.
- (2) Količina, vrsta opreme i sredstava za gašenje požara te njihov raspored u objektu i rok servisiranja definirani su propisima iz oblasti zaštite od požara i Procjenom ugroženosti od požara iz projektne dokumentacije.
- (3) Sva predviđena i instalirana oprema, kao i sredstva za gašenje požara moraju se uvijek nalaziti u ispravnom i funkcionalnom stanju, smještena i raspoređena na predviđena mjesta, propisno označena i osigurana od oštećenja, nenamjenske upotrebe i smrzavanja u zimskom periodu.
- (4) Periodični pregled i kontrola ispravnosti i funkcionalnosti opreme i sredstava za gašenje požara vrši se najmanje dva puta godišnje, prema uputstvima proizvođača, važećim standardima i tehničkim propisima, o čemu se vodi evidencija i posjeduje validna dokumentacija.
- (5) Kontrola ispravnosti i funkcionalnosti podliježe sljedeća oprema: ručni vatrogasni aparati, unutrašnja i vanjska hidrantska mreža sa svojim hidrantima i opremom.
- (6) Kontrola iz stava (5) ovog člana obavezno se povjerava stručnim organizacijama koje su ovlaštene i osposobljene za vršenje ovih poslova.

Član 19.

- (1) Fakultet dužan je održavati u ispravnom stanju postrojenja, uređaje, instalacije (električne, gasne, ventilacijske i dr.), dimnjake i ložišta koja mogu prouzrokovati nastajanje i širenje požara, u skladu s tehničkim normativima i uputstvima proizvođača.
- (2) O izvršenoj provjeri ispravnosti mora se voditi uredna evidencija i odgovarajuća dokumentacija.

Član 20.

- (1) Osiguranje građevina od požara i eksplozije, koje vrše društva za osiguranje, sastavni je dio sistema zaštite od požara.
- (2) Radi otklanjanja uzroka zbog kojih može nastati požar ili koji olakšavaju njegovo širenje, društva za osiguranje dužna su pri utvrđivanju uslova osiguranja, odnosno zaključenja ugovora o osiguranju utvrditi stanje zaštite od požara u odnosu na propise i pravila tehničke prakse.

4. NAČIN UPOZNAVANJA ZAPOSLENIH LICA S OPASNOSTIMA OD POŽARA NA RADNOM MJESTU, PRILIKOM PRIJEMA I RASPOREĐIVANJA TIH LICA NA RADNO MJESTO, KAO I PRILIKOM PREMJEŠTANJA S JEDNOG NA DRUGO RADNO MJESTO

Član 21.

- (1) Fakultet je dužan osigurati da svaki radnik/ica bude upoznat/a s opasnostima od požara vezanim za poslove i radne zadatke na koje je radnik/ica raspoređen/a, kao i s opremom, uređajima i sredstvima za gašenje požara i s materijalnom i drugom odgovornošću usljed nepridržavanja propisanih mjera zaštite od požara.
- (2) Upoznavanje i obuka radnika iz prethodnog člana obavezno se vrši:
 - kod zasnivanja radnog odnosa, a prije raspoređivanja radnika na poslove i radne zadatke;
 - kod premještanja radnika na druge poslove i radne zadatke, a prije početka rada na tim poslovima;
 - kod izmjene uslova rada ili uvođenja nove tehnologije,
 - kod prijema na praksu i stručnu obuku lica koja nisu u radnom odnosu;
 - jednom u dvije godine prema Programu obuke zaposlenika u pravnim licima, državnim organima i drugim institucijama u oblasti zaštite od požara ("Službeni list Federacije BiH", broj: 59/10).
- (3) Upoznavanje i obuka radnika vrši se po grupama radnika srodnih struktura, i to:
 - organiziranje odgovarajućih kurseva, seminara i predavanja po posebnom programu obuke;
 - izradom stručnih uputstava za siguran rad za pojedine poslove;
 - isticanjem na vidnom mjestu odgovarajućih uputstava, natpisa, plakata i upozorenja.

Član 22.

- (1) Fakultet je obavezan da najmanje jednom u dvije godine organizira obuku i izvrši provjeru znanja radnika u poznavanju opasnosti od požara, mjerama i sredstvima za gašenje, rukovanju aparatima, opremom, uređajima i sredstvima za gašenje požara i odgovornosti zbog nepridržavanja propisanih mjera zaštite, a sve u skladu sa Zakonom o zaštiti od požara i Programom obuke zaposlenika u pravnim licima, državnim organima i drugim institucijama u oblasti zaštite od požara ("Službene novine Federacije BiH", br. 59/10).
- (2) Obavezi obuke ne podliježu: lica koja se profesionalno bave poslovima zaštite od požara, lica osposobljena za dobrovoljne vatrogasce, radnici stariji od 60 godina (muškarci), odnosno 55 godina (žene) i lica mlađa od 15 godina života.
- (3) Poslove stručnog osposobljavanja radnika može organizirati i sprovoditi Fakultet ili izvođenje te obuke povjeriti pravnim licima koja su registrirana za tu djelatnost i koja imaju ovlaštenje da ispunjavaju uslove za izvođenje obuke utvrđene u programu.

- (4) O sprovedenoj obuci i provjeri znanja radnika pravno lice koje je registrirano za sprovođenje obuke izdaje uvjerenje o izvršenoj obuci i povjeri znanja iz oblasti zaštite od požara, o čemu se vodi odgovarajuća evidencija.

5. DUŽNOSTI I ODGOVORNOSTI SVIH ZAPOSLENIH LICA U SPROVOĐENJU PROPISANIH MJERA ZAŠTITE OD POŽARA

Član 23.

Dekan Fakulteta ima sljedeće zadatke, prava i odgovornosti u oblasti zaštite od požara:

- odgovornost za organiziranje i osiguranje uslova za sprovođenje zaštite od požara, te blagovremeno donošenje odgovarajućih pravilnika, elaborata i drugih akata iz oblasti zaštite od požara;
- poznavanje organizacije rada Fakulteta, procesa rada i svih opasnosti od požara i eksplozije, te mjera za otklanjanje tih opasnosti;
- poznavanje i primjena općih i drugih akata Fakulteta;
- ima pravo udaljavati radnike s radnog mjesta ako je zatečen da vrši težu povredu radne obaveze iz oblasti zaštite od požara, te je obavezan pokrenuti disciplinski postupak protiv tog radnika;
- imenuje lice za zaštitu od požara;
- traži pomoć od drugih organizacija i organa u slučaju požara;
- obustavlja rad ako prijete neposredna opasnost od požara i eksplozije;
- u slučaju izbijanja požara naređuje mobilizaciju svih radnika i materijalno-tehničke opreme radi uspješnog gašenja požara, te sarađuje s rukovodiocem akcije gašenja požara;
- ima pravo i obavezu rasporediti pojedine radnike na druge poslove i zadatke u cilju otklanjanja neposredne opasnosti od požara i eksplozije, te narediti pojedinim radnicima da rade duže od radnog vremena sve dok se ta opasnost ne otkloni;
- organizacija, kontrola sprovođenja mjera zaštite od požara;
- poznavanje, praćenje i primjena u praksi zakonskih i tehničkih propisa iz oblasti zaštite od požara;
- vođenje, sređivanje i čuvanje odgovarajuće dokumentacije iz oblasti zaštite od požara (pravilnici, programi, elaborati, uputstva, informacije, zapisnici, odluke), saradnja s inspekcijskim organima iz oblasti zaštite od požara i organiziranje sprovođenja mjera koje su ovi organi naložili svojim rješenjima;
- organiziranje periodičnog ispitivanja ispravnosti i funkcionalnosti uređaja, instalacija, opreme i aparata za gašenje i dojavu požara te vođenje evidencije o tome,
- izučavanje i analiziranje požarne opasnosti kod svih tehnoloških operacija, te predlaganje i neposredno poduzimanje mjera za njihovo otklanjanje;
- vršenje pregleda svih objekata, prostorija, prostora, uređaja i instalacija s ciljem uočavanja izvora požarnih opasnosti i kontrole sprovođenja mjera zaštite od požara;
- poznavanje organizacije rada Fakulteta, tehnoloških procesa rada i svih opasnosti od požara i eksplozije, te mjera za otklanjanje tih opasnosti;
- poduzimanje mjera na organiziranju i sprovođenju obrazovanja i obučavanja zaposlenika s opasnostima i mjerama zaštite od požara i praktičnoj upotrebi, aparata, uređaja i sredstava za gašenje požara;

- u slučaju neposredne opasnosti od požara i eksplozije obavezan je preduzeti sve neophodne mjere da se te opasnosti otklone;
- briga i osiguranje potrebnih sredstava i opreme za gašenje požara;
- poduzimanje mjera za održavanje stalne ispravnosti i funkcionalnosti opreme, instalacija, aparata i sredstava za gašenje požara;
- poznavanje i primjena općih i drugih akata Fakulteta.

Član 24.

(1) Za obavljanje poslova zaštite od požara imenuje se odgovorno lice koje ima sljedeće zadatke, prava i odgovornosti u oblasti zaštite od požara:

- a) traži pomoć od drugih organizacija i organa u slučaju požara;
- b) obustavlja rad ako prijete neposredna opasnost od požara i eksplozije;
- c) u slučaju izbijanja požara naređuje mobilizaciju svih zaposlenika i materijalno-tehničke opreme radi uspješnog gašenja požara, te sarađuje s rukovodiocem akcije gašenja požara;
- d) ima pravo udaljavati radnika/icu s radnog mjesta ako je zatečen/a da vrši težu povredu radne obaveze iz oblasti zaštite od požara, te je obavezan pokrenuti disciplinski postupak protiv tog radnika/ice;
- e) ima pravo i obavezu rasporediti pojedine radnike na druge poslove i zadatke u cilju otklanjanja neposredne opasnosti od požara i eksplozije, te narediti pojedinim radnicima da rade duže od radnog vremena sve dok se ta opasnost ne otkloni;
- f) organizacija, kontrola sprovođenja mjera zaštite od požara;
- g) poznavanje organizacije rada Fakulteta, tehnoloških procesa rada i svih opasnosti od požara i eksplozije, te mjera za otklanjanje tih opasnosti;
- h) poznavanje, praćenje i primjena u praksi zakonskih i tehničkih propisa iz oblasti zaštite od požara;
- i) vođenje, sređivanje i čuvanje odgovarajuće dokumentacije iz oblasti zaštite od požara (pravilnici, programi, elaborati, uputstva, informacije, zapisnici, odluke);
- j) saradnja s inspekcijskim organima iz oblasti zaštite od požara i organiziranje sprovođenja mjera koje su ovi organi naložili svojim rješenjima;
- k) organiziranje periodičnog ispitivanja ispravnosti i funkcionalnosti uređaja, instalacija, opreme i aparata za gašenje i dojavu požara te vođenje evidencije o tome;
- l) izučavanje i analiziranje požarne opasnosti kod svih tehnoloških operacija, te predlaganje i neposredno poduzimanje mjera za njihovo otklanjanje;
- m) vršenje pregleda svih objekata, prostorija, prostora, uređaja i instalacija s ciljem uočavanja izvora požarnih opasnosti i kontrole sprovođenja mjera zaštite od požara;
- n) poznavanje organizacije rada Društva, tehnoloških procesa rada i svih opasnosti od požara i eksplozije, te mjera za otklanjanje tih opasnosti;
- o) poduzimanje mjera na organiziranju i sprovođenju obrazovanja i obučavanja zaposlenika s opasnostima i mjerama zaštite od požara i praktičnoj upotrebi, aparata, uređaja i sredstava za gašenje požara;
- p) u slučaju neposredne opasnosti od požara i eksplozije obavezan je preduzeti sve neophodne mjere da se te opasnosti otklone;
- q) briga i osiguranje potrebnih sredstava i opreme za gašenje požara;

- r) poduzimanje mjera za održavanje stalne ispravnosti i funkcionalnosti opreme, instalacija, aparata i sredstava za gašenje požara;
 - s) poznavanje i primjena općih i drugih akata Fakulteta.
- (2) U cilju što efikasnijeg i koordiniranog sprovođenja mjera zaštite od požara i unapređenja zaštite od požara, odgovorno lice za poslove zaštite od požara je samostalno u svom radu i dužno je sarađivati sa svim službama Fakulteta.
- (3) Odgovorno lice za zaštitu od požara dužno je sarađivati sa svim ovlaštenim organizacijama i drugim pravnim licima iz oblasti zaštite od požara, a naročito sa:
- a) nadležnim inspekcijskim i drugim organima općine, kantona, federacije, države;
 - b) stručnim organizacijama koje se bave zaštitom od požara;
 - c) vatrogasnim jedinicama na teritoriji općine i kantona.
- (4) Saradnja s ovlaštenim organizacijama i pravnim licima ostvarivat će se kroz lične kontakte i konsultacije, prisustvovanje stručnim seminarima, savjetovanjima, traženje stručnih savjeta i objašnjenja, planiranje izvođenja praktičnih i vatrogasnih vježbi u krugu objekta Fakulteta, obavljanje stručnih pregleda objekata i tehničke dokumentacije, izradu plana, programa i drugih projekata zaštite od požara itd.

Član 25.

Radnici na Fakultetu su dužni da sve poslove, odnosno radne zadatke obavljaju savjesno i s dužnom pažnjom radi sprečavanja pojave i širenja požara i svake nezgode, kako slijedi:

- a) da se pridržavaju propisanih mjera zaštite od požara;
- b) da se obučavaju u oblasti zaštite od požara i da se upoznaju s općim aktom o zaštiti od požara;
- c) da svaki kvar ili nedostatak na sredstvima za rad, uređajima i instalaciji odmah prijave odgovornom licu;
- d) da se pridržavaju svih uputstava, pravila, propisa i mjera zaštite od požara;
- e) da prije raspoređivanja na poslove ili radne zadatke budu upoznati sa svim požarnim opasnostima, mjerama zaštite od požara, praktičnoj upotrebi opreme i sredstava za gašenje od požara, materijalnom i drugom odgovornošću zbog nepridržavanja propisanih mjera zaštite od požara;
- f) da usavršavaju svoja znanja iz oblasti zaštite od požara;
- g) da upozoravaju svoje radne kolege na propuste iz domena zaštite od požara, te da o tim propustima izvještavaju neposrednog rukovodioca;
- h) da neposrednom rukovodiocu odmah prijave svaki uočeni kvar ili sumnjivu pojavu koja može imati za posljedicu pojavu požara i njegovo širenje;
- i) da odmah pristupe gašenju uočenog požara svim raspoloživim sredstvima;
- j) da u zgradi Fakulteta ne upotrebljavaju otvorene električne grijalice, rešoe i sl.;
- k) da ne zatvaraju otvore za prirodno provjetranje;
- l) da u zgradi Fakulteta ne drže posude sa zapaljivim tečnostima i boce s tehničkim gasovima;
- m) da u blizini zgrade Fakulteta ne vrše spaljivanje otpadaka i loženje otvorene vatre;
- n) da u zgradu Fakulteta ne unose i ne uživaju alkohol i druga opojna sredstva.

Član 26.

- (1) Za pravilno, stalno i sistematsko sprovođenje mjera zaštite od požara odgovorni su svi radnici Filozofskog fakulteta.
- (2) Radnici koji se ne pridržavaju propisanih mjera zaštite od požara, uputstava i naloga u pogledu pitanja zaštite od požara čine povredu radne obaveze.
- (3) Na svim radnim mjestima gdje postoji povećana opasnost od požara moraju se donijeti posebna pisana radna uputstva u kojima su opisane predviđene posebne mjere zaštite od požara.

7. ZAPOSLENO LICE KOJE ĆE BITI ZADUŽENO DA SE STARA O SPROVOĐENJU MJERA ZAŠTITE OD POŽARA UTVRĐENIH OVIM PRAVILNIKOM

Član 27.

- (1) Lice za zaštitu od požara mora imati najmanje srednju stručnu spremu, po pravilu tehničkog smjera, i položen ispit za protupožarnu zaštitu.
- (2) Za obavljanje poslova iz oblasti zaštite od požara za koje Fakultet ne posjeduje kadrovske i tehničke uslove odgovorno lice će kontaktirati ovlaštene stručne organizacije.
- (3) Fakultet može ovlastiti pravno lice registrirano za obavljanje poslova iz oblasti zaštite od požara koje ima odgovarajuće stručne kadrove i opremu i sredstva za vršenje tih poslova, koje će za njihove potrebe sprovoditi mjere zaštite od požara, što se vrši zaključivanjem ugovora s tim pravnim licima.
- (4) Izbor i angažiranje stručnih organizacija određuje dekan Fakulteta.

8. SADRŽAJ I NAČIN DONOŠENJA PLANA ZAŠTITE OD POŽARA I NAČIN SPROVOĐENJA TOG PLANA

Član 28.

- (1) Filozofski fakultet dužan je izraditi i donijeti Procjenu ugroženosti od požara, Plan zaštite od požara i Plan evakuacije.
- (2) Plan zaštite od požara treba obuhvatati:
 - a) naziv mjesta te način primanja dojave požara;
 - b) obaveze u postupanju, komandovanju i ovlaštenja učesnika u primanju obavijesti o požaru i daljnjim aktivnostima akcije gašenja;
 - c) obavještenja o požaru i daljnjoj organizaciji akcije gašenja požara;
 - d) način uključivanja službe za pružanje prve medicinske pomoći;
 - e) brojno stanje vlastitih jedinica za gašenje požara te cjelokupna organizacija gašenja kada se u akciju gašenja uključuju vanjske profesionalne i dobrovoljne vatrogasne jedinice;

- f) organizacija i način pozivanja i uključivanja distributera energenata (struje, gasa i dr.) na intervenciju;
- g) nazive građevina ili postrojenja na kojima će se, eventualno, gasiti požar, uz prisustvo odgovornog ili stručnog lica u toj građevini zbog specifičnosti tehnološkog postupka;
- h) nazive građevina ili postrojenja u kojima se može očekivati eksplozija u požaru;
- i) nazive građevina ili postrojenja u kojima se nalaze izvori radioaktivnih i drugih opasnih i otrovnih materija, te postupci koji se preduzimaju u slučaju požara;
- j) nazive radnih mjesta i lokacije na kojima su smješteni ključevi od prostora ili prostorija u kojima se nalaze mjesta za prekid dovoda energenata u građevinu;
- k) razrađen radio i telefonski sistem za pozivanje svih učesnika koji učestvuju u gašenju požara.

Član 29.

- (1) Procjena ugroženosti od požara i Plan zaštite od požara mora se redovno ažurirati i usaglašavati s nastalim zakonskim promjenama i promjenama na Fakultetu, a naročito u pogledu rekonstrukcije objekata i prostorija i izmjene zakonskih i tehničkih propisa.
- (2) Pored Plana zaštite od požara, a u skladu sa zakonskim i drugim propisima i prema odredbama ovog pravilnika i Plana zaštite od požara, Fakultet izrađuje i donosi Program mjera i aktivnosti zaštite od požara.

9. NAČIN VRŠENJA UNUTRAŠNJE KONTROLE SPROVOĐENJA PREDVIĐENIH MJERA ZAŠTITE OD POŽARA I NAČIN VOĐENJA EVIDENCIJE O SPROVOĐENJU PROPISANIH MJERA ZAŠTITE OD POŽARA

Član 30.

- (1) Unutrašnju kontrolu sprovođenja mjera zaštite od požara na Fakultetu općenito vrše svi odgovorni organi i radnici iz člana 8. ovog pravilnika, svako u svom djelokrugu rada, kako je to regulirano ovim pravilnikom.
- (2) Prilikom vršenja unutrašnje kontrole sprovođenja mjera zaštite od požara obavezno se na licu mjesta o trenutnom stanju sastavlja službena pismena zabilješka ili odgovarajući zapisnik.
- (3) Lica koja vrše neposrednu unutrašnju kontrolu sprovođenja mjera zaštite od požara ovlaštena su da prema radnicima koji ne sprovode propisane mjere iz oblasti zaštite od požara preduzmu ili izreknu disciplinske mjere.

10. MJESTO I PROSTORI U KOJIMA MORA BITI ZABRANA PROIZVODNJE, KORIŠTENJE I PRENOŠENJE OTVORENE VATRE

Član 31.

- (1) U skladu s djelatnošću, na Fakultetu se ne koristi otvoreni plamen.

- (2) Ne postoje prostori u kojima se mogu stvoriti eksplozivne smješe, pa se upotreba otvorenog plamena prilikom određenih radova na ovoj lokaciji može koristiti uz primjenu normalnih tehničkih mjera zaštite od požara.
- (3) Zabranjeno je konzumiranje duhanskih proizvoda u prostorijama Fakulteta.

11. DUŽNOSTI I NAČIN PONAŠANJA ZAPOSLENIH LICA U SLUČAJU POJAVE POŽARA

Član 32.

- (1) Svaki radnik/ica mora poznavati signale internog i javnog uzbunjivanja u slučaju požara i druge opasnosti.
- (2) Tablica i natpis sa signalima za uzbunjivanje moraju biti vidno istaknuti u objektu Fakulteta.
- (3) Svaki radnik/ica Fakulteta koji/koja primijeti požar dužan/na je odmah bez panike pristupiti gašenju i njegovom lokaliziranju, ako to može učiniti bez opasnosti za sebe ili druge.
- (4) Istovremeno treba uzvikom "POŽAR!" uzbuniti ostale radnike u objektu Fakulteta ili odjeljenju, koji priskaču u pomoć i gase nastali požar.
- (1) Ako prisutni radnici nisu u stanju sami ugasiti nastali požar (potrebna je brza procjena situacije), dužni su o požaru obavijestiti najbližu vatrogasnu jedinicu ili operativni centar civilne zaštite, odnosno stanicu policije.
- (2) Dojava požara vrši se telefonom, odnosno na drugi najbrži mogući način. Kod dojava požara treba saopćiti: gdje je izbio požar, što gori, u kom obimu i da li prijeti neposredna opasnost za život ljudi i drugih objekata.

Član 33.

- (1) Do dolaska pozvane vatrogasne jedinice na mjesto požara prisutni radnici dužni su organizirati gašenje nastalog požara, a posebno trebaju učiniti sljedeće:
 - organizirati spašavanje eventualno ugroženih radnika i drugih lica;
 - organizirati evakuaciju iz ugrožene zone materijala od izuzetne vrijednosti, vrijednosnih papira, novca i druge dokumentacije;
 - osigurati isključenje struje u dotičnom objektu;
 - zatvoriti odgovarajuća vrata, prozore i druge otvore da se spriječi širenje požara, poduzeti i druge mjere zavisno od date situacije.
- (2) Svi radnici su dužni na poziv dekana ili lica koje on ovlasti aktivno se uključiti u akciju gašenja požara i spašavanja imovine i lica, i u toj akciji učestvovati sve dok ona traje.
- (3) Kada na mjesto požara stigne pozvana vatrogasna jedinica, njen komandir preuzima rukovođenje akcijom gašenja požara i niko nema pravo da se miješa u njegov rad.
- (4) Ostali elementi akcije gašenja požara i spašavanja imovine i lica reguliraju se Planom zaštite od požara koji je urađen za objekat Filozofskog fakulteta i Planom zaštite od požara općine u kojoj se predmetni objekat nalazi.

Član 34.

- (1) Vlasnici, odnosno korisnici zemljišta, zgrada i drugih objekata dužni su prilikom gašenja požara ili izvođenja drugih vatrogasnih intervencija vatrogascima i drugim učesnicima u gašenju požara dozvoliti:
 - prelazak preko zemljišta, zgrada i drugih objekata, kao i njihovo korištenje za gašenje požara;
 - upotrebu njihovih zaliha vode za gašenje požara.
- (2) Izvođenje navedenih radnji određuje rukovodilac akcije gašenja požara na ugroženom području.

11. DISCIPLINSKA ODGOVORNOST ZA ZAPOSLENA LICA ZBOG NEPRIDRŽAVANJA PROPISANIH MJERA ZAŠTITE OD POŽARA

Član 35.

- (1) Svaki radnik/ica Fakulteta koji/koja ne poštuje odredbe ovog pravilnika i njegovih pratećih uputstava, odredbe zakonskih i tehničkih propisa iz oblasti zaštite od požara, te ne sprovodi propisane mjere zaštite od požara, čini težu povredu radnih obaveza i dužnosti za koju se može izreći odgovarajuća disciplinska mjera, shodno odgovarajućem aktu koji regulira ovu materiju.
- (2) Ako radnik/ica u vršenju poslova i radnih zadataka prouzrokuje i materijalnu štetu svojom krivicom, a u vezi s nepridržavanjem propisanih mjera zaštite od požara, dužan je tu štetu nadoknaditi, ako je to regulirano u odgovarajućem općem aktu.

Član 36.

Kao teža povreda radne obaveze iz oblasti zaštite od požara smatra se:

- izazivanje požara namjerno ili iz nehata;
- upotreba otvorene vatre ili pušenje na zabranjenim mjestima;
- zloupotreba ili nenamjenska upotreba vatrogasnih aparata, sprava i opreme za gašenje požara, kao i njihovo namjerno oštećenje;
- izbjegavanje ili odbijanje učešća u akcijama gašenja požara i spašavanja lica i imovine ugrožene požarom;
- neprijavljivanje požara ili nepoduzimanje mjera za gašenje početnih požara;
- ometanje akcije gašenja požara i spašavanja;
- zakrčavanje vanjskih i unutrašnjih požarnih i komunikacionih puteva, te prilaza do objekata, vatrogasnih sprava i opreme i razvoda električne energije;
- upotreba i držanje lakozapaljivih tečnosti i materija na zabranjenim mjestima;
- neobavljanje periodičnih pregleda ispravnosti i funkcionalnosti sprava, opreme, aparata, uređaja i instalacija koji su u funkciji zaštite od požara;
- nevršenje propisane kontrole sprovođenja propisanih mjera zaštite od požara;

- nepreduzimanje odgovarajućih mjera zaštite od požara u slučaju neposredne opasnosti od požara i eksplozije;
- neosiguravanje objekata i radnih prostorija vatrogasnim aparatima i drugom opremom za gašenje požara;
- nepristupanje obuci i provjeri znanja iz oblasti zaštite od požara.

12. PRELAZNE I ZAVRŠNE ODREDBE

Član 37.

Za sva prava, dužnosti i odgovornosti zaposlenika iz oblasti zaštite od požara koji nisu regulirani ovim pravilnikom važe odredbe drugih normativnih akata i odredbi Zakona iz oblasti zaštite od požara.

Član 38.

- (1) Izmjene i dopune ovog pravilnika vrše se po postupku kao i njegovo donošenje.
- (2) Inicijativu za pokretanje postupka za izmjene i dopune ovog pravilnika može pokrenuti dekan i odgovorno lice za poslove zaštite od požara, odnosno pravno lice koje je ovlašteno za obavljanje poslova iz oblasti zaštite od požara.

Član 39.

Ovaj pravilnik stupa na snagu danom donošenja i bit će objavljen na internetskoj stranici i oglasnoj ploči Univerziteta u Sarajevu – Filozofskog fakulteta.

Član 40.

Stupanjem na snagu ovog pravilnika prestaje važiti Pravilnik o zaštiti od požara, broj: 02-01/81 od 2. 3. 2017. godine.

Broj: 02-01/76-1

Datum: 23. 1. 2026. godine



PREDSJEDNIK VIJEĆA FAKULTETA

Prof. dr. Adnan Busuladžić